

Lub Hom Phiaj Ntawm Kev Coj Milwaukee Mus Yav Tom Ntej Ua Ntu Zus

Tus Txheej Txheem: Lub Nroog Milwaukee Health Department yuav kho thiab hloov qhov kev xaaj rau ntawm kev noj qab haus huv rau pej xeeb sawv daws ua ntu zus, ib ntu twg yuav qhib kom cov pej xeeb thiab cov lag luam maj mam rov qab mus li yav tag los. Lub Health Department thiab cov thawj coj hauv Nroog yuav ntsuam xyuas tsis tseg txog tej yam qhia tau tseeb los txiav txim seb tus kab mob COVID-19 puas tswj tau txaus kom thiaj li txav mus tau rau ntu tom ntej.

Cov ntsiab lus muaj nyob hauv [City of Milwaukee Covid-19 dashboard](#) thiab yuav muaj kho kom qhia raws li tshwm sim tshiab tag mus li. Lub Hom Phiaj Ntawm Lub Nroog yog los txhawb ntxiv rau Badger Bounce Back tus txheej txheem thiab kev qhia uas yog los ntawm lub Centers for Disease Control qhov [Guidelines for Opening Up America Again \(cov txheej txheem rov qab qhib As Mes Liv Kas dua\)](#).

Qhov peb yuav ua tau kom tshem tau tus kab mob COVID-19 tawm thiab rov qab mus rau li yav tag los yog lub luag hauj lwm ntawm peb txhuas leej sib koom ua hauj lwm ua ke thiaj ua tau raws li lub hom phiaj.

Lub Hom Phiaj. Lub hom phiaj yuav muaj qhia raws li tshwm sim tshiab txhua hnuv thiab yuav muaj kev soj ntsuam 7 hnuv twg ib zaug. Yog tias ua tau raws lis qhov npaj tseg, tus Mayor thiab pab Health Commissioner yuav soj ntsuam seb yuav hla mus rau theem tom ntej li cas raws li sau tseg nyob rau hauv qhov Kev Npaj Coj Milwaukee Mus Yav Tom Ntej.




Cov lus hauv qab no yog cov Hom Phiaj:


- **Neeg mob (Cases):** Pes tsawg feem pua ntawm cov neeg muaj mob COVID thiab cov tau tus mob es zoo zuj zus lawm
- **Kuaj:** Kuaj cov pej xeeb nyob hauv Milwaukee uas muaj tus tsos mob COVID-19, uas yog ib hnuv twg kuaj 2,000 tus neeg
- **Kho:** Pes tsawg feem pua ntawm cov neeg mob nyob hauv tsev kho mob uas muaj tus kab mob Covid-19
- **Kev nyab xeeb:** Muaj cov khoom (PPE) txaus rau cov neeg tu thiab kho mob siv, cov neeg ua hauj lwm hauv cov chaw tu neeg mus ntev, thiab cov neeg xub mus muab kev pab neeg. Tej no xws li ntaub npog qhov ncauj qhov ntswg, tsho looj tuaj sab nrauv, thiab hnab looj tes
- **Soj qab taug:** Muaj rab peev xwm suav tau, soj qab tau, thiab soj ntsuam cov muaj tus kab mob COVID-19 thiab tej kev sib kis kom nyob raws li lub hom phiaj

Txhua 2 lub lim piam twg ntsuas seb zoo li cas lawm mam hla mus rau ntu tom ntej – ntsuas thawj zaug yog lub 5 Hlis Ntuj tim 28



Yuav ntsuas lub hom phiaj txhua 7 hnuv twg ib zaug






-  Yog tias tag nrho cov hom phiaj yog xim daj **qhov tsawg** kawg, hla mus rau ntu tom ntej.
-  Yog tias ib lub hom phiaj twg yog **xim liab** nyob rau ntu no, yij meem ntsuas ntxiv mus txhua 7 hnuv twg ib zaug.
-  Thaum hla ntawm Ntu 4 mus rau Ntu 5, txhua lub Hom Phiaj yuav tsum yog **xim ntsuab**.

-  Ntu 5 yog tias lub hom phiaj twg hloov ua **xim daj** los yog **xim liab** nyob rau ntu ntawd, rov qab mus rau ntu 4.

Yij meem ntsuas ntxiv mus txhua 7 hnuv twg kom txog thaum muaj tshuaj los tiv thaiv, xws li tshuaj xav.

Lub Nroog Milwaukee – Lub Hom Phiaj Rau Covid-19

Ntsuas Seb Zoo Li Cas lawm – Hloov Txhua Hnub Thursday, Hloov Zaum Kawg: 10 Hli Ntuj tim 29

<p>KEV MOB NKEEG</p>	<p>Key Metric: Feem pua nce ntawm kev kuaj kab mob COVID-19+ PCR*, xim Ntsuab: nyob hauv 14 hnub tsis nce los yog nce 5% los yog tsawg dua, xim Daj: Tsis pom nce los yog nqis, xim Liab: nyob hauv 14 hnub nce ntau heev</p>	<p>Cov Ntsiab Lus: Tus kab mob nce los yog nqis yuav ntsuas raws li txoj kab ntsuas (linear regression) nrog rau cov ntaub ntawv tseem ceeb khaws tseg koj los teeb ua lub hom phiaj siv ntawm $p < 0.05$. Qhov kev ntsuas no muab cov ntaub ntawv sau nyob rau 4 hnub tom kawg rho tawm, vim hais tias qhov kev ntsuas no yuav siv thaj tsam lis 4 hnub mas thiaj li yuav tshwm nyob rau hauv cov ntaub ntawv kaw tseg (system). Vim hais tias cov ntaub ntawv ib hnub txawv ib hnub, txoj kab ntsuas (linear regression) yuav qhia tau qhov tseeb txog tus kab mob seb nce los yog nqis. Tus qauv ntawm kev kuaj mob nce thiaj nqis, yog lis ntawd qhov feem puas ntawm cov neeg muaj mob thiaj tsis muaj mob uas raug kuaj, tej zaum yuav ua rau kom qhov feem pua ntawm cov neeg muaj kab mob hloov. Muaj ntaub ntawv qhia nyob hauv City of Milwaukee Metrics thiaj Data Dashboard.</p>	
<p>KEV KUAJ MOB</p>	<p>Key Metric: Kuaj pes tsawg tus neeg thiaj pes tsawg feem pua ntawm cov neeg kuaj muaj kab mob, Ntsuab: kuaj 2000 tus neeg ib hnub LOS YOG tsawg tshaj <5% muaj kab mob nyob hauv 5 hnub, Daj: kuaj 1,200-2,000 tus neeg ib hnub THIAJ 5-10% muaj kab mob nyob hauv 5 hnub, Liab: kuaj <1200 tus neeg ib hnub LOS YOG tsawg tshaj >10% muaj kab mob nyob hauv 5 hnub</p>	<p>Cov Ntsiab Lus: Xam raws li cov neeg uas kuaj tag nrho, thiaj feem pua uas kuaj tau muaj kab mob, yuav kom paub tias txo lawm, feem pua ntawm cov neeg kuaj tau muaj kab mob yuav tau tsis txhob siab. Tus nab npawb ntawm cov neeg kuaj mob thiaj feem pua uas muaj kab mob yog saib nyob hauv 5 hnub sib law liag. Kev kuaj cov neeg yog 5 hnub yog qhov nrub nrab thiaj li paub tau tias txo, hos kev kuaj nyob rau weekend thiaj muaj lwm yam teeb meem los raug yog qhov ua rau kom kuaj tau neeg coob los tsawg. Qhov kev ntsuas no muab cov ntaub ntawv sau nyob rau 5 hnub tom kawg rho tawm, vim hais tias qhov kev kuaj uas qhia tau kom paub no yuav siv thaj tsam lis 4 hnub mas thiaj li yuav tshwm nyob rau hauv cov ntaub ntawv kaw tseg (system). Qhov kev ntsuas tau 60% ntau tshaj ntawm qhov tsoom fwm hais kom ua. Muaj ntaub ntawv qhia nyob hauv City of Milwaukee Metrics thiaj Data Dashboard.</p>	
<p>KEV KHO MOB</p>	<p>Key Metric: Feem pua ntawm cov neeg muaj kab mob COVID-19+ cov txaj pw hauv tsev kho mob, Ntsuab: <10% ntawm cov neeg mob pw hauv tsev kho mob yog cov mob COVID-19+, Daj: 10-20% ntawm cov neeg mob yog cov mob COVID-19+, Liab: >20% ntawm cov neeg pw hauv tsev kho mob muaj mob COVID-19</p>	<p>Cov Ntsiab Lus: Raws li lub chaw ua hauj lwm Institute of Medicine hais txog qhov “muaj teeb meem txog kev kho mob” uas yuav qhia tau raws li cov lus nug no: (a) Lub tsev kho mob piam lawm/tsis muaj kev nyab xeeb los yog cov chaw uas tsis yog chaw rau neeg mob muab siv tu neeg mob, (b) Cov neeg paub ua hauj lwm tsis khoom los yog tu tsis tau cov neeg mob vim muaj coob heev txawm hais tias muaj kev qhia kom txawj ua hauj lwm, (c) Tsis muaj cov khoom siv tseem ceeb, rau qhov muab tej khoom ntawv faib rau lwm qhov lawm thiaj/los yog ua hauj lwm nyuab heev. COVID+ cov txaj pw tsias raws lis cov neeg muaj mob COVID-19 faib rau tag nrho cov txaj pw thiaj cov txaj pw hauv chav ICU – nyob rau hauv 7 hnub. Lub hom phiaj ntawm qhov kev ntsuas no yog muab ntawm Milwaukee County Metrics thiaj Data los. Muaj ntaub ntawv qhia nyob hauv Milwaukee County Metrics thiaj Data Dashboard.</p>	
<p>KEV NYAB XEEB</p>	<p>Key Metric: Khoom siv PPE hauv tsev kho mob muaj txaus lis lub hom phiaj teev tseg* Ntsuab: Muaj khoom siv PPE txaus siv 29+ hnub rau cov tsev kho mob feem ntau, Daj: Muaj khoom siv PPE txaus siv 8-28 hnub rau cov tsev kho mob feem ntau, Liab: Muaj khoom siv PPE txaus siv 0-7 hnub rau cov tsev kho mob feem ntau</p>	<p>Cov Ntsiab Lus: Peb lub chaw ntawm tsib lub chaw kho mob yuav tsum muaj khoom siv PPE txaus siv raws li lub hom phiaj npaj tseg. Qhov kev ntsuas no tsuas yog siv mus ib lub sij hawm xwb, thiaj yuav hloov tsis ntev no kom muaj kev ntsuas kom ntau tshaj thiaj li yuav qhia tau txog cov khoom siv PPE uas tseem muaj siv. Lub hom phiaj ntawm qhov kev ntsuas no yog muab ntawm Milwaukee County Metrics thiaj Data los. Muaj ntaub ntawv qhia nyob hauv Milwaukee County Metrics thiaj Data Dashboard.</p>	
<p>TAUG QAB</p>	<p>Key Metric: Feem pua ntawm cov neeg muaj kab mob COVID+ uas Milwaukee Health Department tiv tauj tau nyob rau hauv 2 hnub Ntsuab: 95%-100% ntawm cov neeg mob COVID+ uas tiv tauj tau nyob rau hauv 2 hnub Daj: 50-95% ntawm cov neeg mob COVID+ uas tiv tauj tau nyob rau hauv 2 hnub Liab: Tsawg tshaj 50% ntawm cov neeg mob COVID+ uas tiv tauj tau nyob rau hauv 2 hnub</p>	<p>Cov Ntsiab Lus: tshuas raws feem pua ntawm cov neeg nyob rau lub nroog Milwaukee uas kuaj tau muaj tus mob COVID-19+ thiaj Milwaukee Health Department kev taug qab tau nyob rau hauv 2 hnub. Qhov kev ntsuas no yuav xyuas nyob rau hauv 7 hnub kom thiaj li ua tau raws lis cov kev hloov ceev thiaj dav uas peb kev taug qab ntsib teeb meem tam sim no. Qhov kev ntsuas no muab cov ntaub ntawv sau nyob rau 4 hnub tom kawg rho tawm, vim hais tias cov ntaub ntawv thiaj kev qhia xa tuaj qeeb lawm. Muaj ntaub ntawv qhia nyob hauv City of Milwaukee Metrics thiaj Data Dashboard.</p>	



Ntsuab = Zoov heev



Daj = Ceev faj ua ntej hla mus



Liab = Txhawj xeeb

*Ceeb toom, cov kev ntsuas no yog muab qhia ua ntej thiaj mam li txhim kho ntxiv kom hauv raws li kev ua hauj lwm rau lub nroom Milwaukee